

**Razvojna banka Federacije  
Bosne i Hercegovine  
Predsjednik Uprave**

Broj: 6060-III/21  
Sarajevo, 28.6.2021. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 6054-XI/21 od 28.6.2021. godine i člana 20. Statuta Razvojne banke Federacije Bosne i Hercegovine, u postupku nabavke usluga - eksternalizacija usluga interne revizije informacionog sistema Razvojne banke Federacije BiH za 2021. godinu, v.d. predsjednik Uprave Banke donosi

**ODLUKU**

**o izboru ponuđača u postupku nabavke usluga - eksternalizacija usluga interne revizije informacionog sistema Razvojne banke Federacije BiH za 2021. godinu**

**Član 1.**

Prihvata se preporuka Komisije za nabavke iz Zapisnika o pregledu i ocjeni ponuda broj 6054-XI/21 od 28.6.2021. godine i ugovor za javnu nabavku usluga - eksternalizacija usluga interne revizije informacionog sistema Razvojne banke Federacije BiH za 2021. godinu dodjeljuje se ponuđaču-grupi ponuđača BAKER TILLY RE OPINION d.o.o. Sarajevo-Predstavnik/AudIT d.o.o. Sarajevo, kao prihvatljivom ponuđaču u otvorenom postupku javne nabavke.

**Član 2.**

Ukupno ponuđena cijena predmetnih usluga iz člana 1. ove odluke, iznosi 9.000,00 KM bez PDV-a, što u konačnici, s uračunatim PDV-om, iznosi 10.530,00 KM.

**Član 3.**

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici [www.rbfbih.ba](http://www.rbfbih.ba), istovremeno s upućivanjem iste ponuđaču koji je sudjelovao u ovom postupku.

**Član 4.**

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

## **OBRAZLOŽENJE**

Odlukom o pokretanju postupka nabavke usluga - eksternalizacija usluga interne revizije informacionog sistema Razvojne banke Federacije BiH za 2021. godinu broj 4873-III/21 od 26.5.2021. godine, odobreno je pokretanje postupka nabavke predmetnih usluga za potrebe Razvojne banke Federacije BiH. Procijenjena vrijednost nabavke iznosi 10.000,00 KM.

Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Obavještenje o nabavci predmetnih usluga objavljeno je na Portalu javnih nabavki dana 27.5.2021. godine, broj obavještenja: 1011-1-2-292-3-16/21.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2715-III/21 od 24.3.2021. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je evidentirana 1 (jedna) pravovremeno pristigla ponuda kako slijedi:

<b>R. Br.</b>	<b>Naziv i sjedište ponuđača</b>	<b>Datum i sat prijema ponude</b>	<b>Cijena ponude (u KM)</b>	<b>Popust (u KM)</b>	<b>Ukupna cijena bez PDV-a (u KM)</b>	<b>Ukupna cijena s PDV-om (u KM)</b>
1.	Grupa ponuđača BAKER TILLY RE OPINION d.o.o. Sarajevo-Predstavnik, AudIT d.o.o. Sarajevo	18.6.2021. u 09:10 h	10.000,00	1.000,00	9.000,00	10.530,00

Na osnovu izvršene analize i ocjene pristigle ponude, Komisija je utvrdila da je ponuda prihvatljiva i u skladu je sa tenderskom dokumentacijom.

S obzirom da je tenderskom dokumentacijom predviđeno zakazivanje e-aukcije, a da je dostavljena samo jedna prihvatljiva ponuda, imajući u vidu član 3. Pravilnika o uslovima i načinu korištenja e-aukcije (Službeni glasnik BiH broj 66/16) e-aukcija se nije mogla zakazati.


U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je ponuda grupe ponuđača BAKER TILLY RE OPINION d.o.o. Sarajevo-predstavnik/AudIT d.o.o. Sarajevo prema kriteriju za izbor ponude (najniža cijena) ocijenjena prihvatljivom, te ispunjava sve uslove i zahtjeve predviđene otvorenim postupkom javne nabavke, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

**Pouka o pravnom lijeku:** Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



v.d. predsjednik Uprave

  
dr. sc. Semir Fejzić

Dostaviti:

- Učesniku u postupku